

Visoki predstavnik/specijalni predstavnik EU Schwarz-Schilling i komesar Rehn razgovarali o mogućnostima za SSP



Visoki predstavnik i specijalni predstavnik Evropske unije, Christian Schwarz-Schilling, jutros se u Sarajevu susreo sa evropskim komesarom za proširenje, Ollijem Rehn, kako bi razgovarali o trenutnoj političkoj situaciji u Bosni i Hercegovini te mogućnostima da ova zemlja potpiše Sporazum o stabilizaciji i pridruživanju sa Evropskom unijom.

Visoki predstavnik i specijalni predstavnik Evropske unije je objasnio da je kompromisni sporazum o provedbi restrukturiranja policije, koji poštuje tri principa Evropske unije, bio predstavljen ove sedmice ali da politički lideri nisu iskoristili ovu mogućnost. "Bez političkog sporazuma o reformi policije, nema napretka na putu BiH prema Evropi", upozorio je.

Komesar Rehn je jasno rekao da će Sporazum o stabilizaciji i pridruživanju biti parafiran tek onda kada entitetske i državna vlada usvoje sporazum o reformi policije, a biće potpisan tek kada entitetski i državni parlamenti usvoje potrebne zakonske propise za provedbu ove reforme.